



17673

I

Mag. St. Dr.

P

Fons signatus.

PANEG. et VITAE

Polon. 4^a

№ 172

Biblioteka Jagiellońska



stdr0000391

FONS SIGNATIVS,

Disputationem Theologicam,

Sacræ Scripturæ doctrinam omnibus proficuum, non omnibus peruiam esse.

Præsidente Admodum Reuerendo Patre, D. M.

IACOBO VSTIENSE,

S. T. & I. V. Doctore & Professore, Eccles: Collegiatar: S. Floriani & S. Georgii in arce
Cracou: Custode.

A Reuerendo Domino M.

ADAMO DRASKI,

S. T. B. & Professore, ad S. Florianum Cāuco:
in Alma Acad: Crac: publicè propositam
abundè irrorans:

*In signum beneficentissimo Præceptori facta gratulationis,
Per M. FLORIANVM LEPIECKI,
Philos: Doct: & Profes: Contuber. Sisiniani Seniore,
Virentibus metri corymbis laureatus.*

Anno Domini; 1644.



Semperne doctas Castalij lacus,
Vel quas superbo profluit impetu
Famosa Dirce, vel Carystos,
Aoniæ moderator urnæ
Dispenset vndas solus, & auia
Per stagna Cyrrhæ, per vada concito
Bacchetur amni? solus vdam
Vberibus secuisse riuus,
Attemperati marginis immemor,
Amet Tegyræ, vel malè prodigis
Erroribus præterfluentis
Bactra procul Pataranq; longè
Lusisse lymphæ? solane Tespia
Fastidioso cùm semel excidit
Permissis antro, per procacis
Agmina luxurietur vndæ?
Abstiste Cynthi grande frequentium
Immurmuranti gurgite fluminum
Pressisse ripas, & petulci
Fluctibus intonuisse vitri
Abstiste: dulces æquora sistite
Pimplæa Chrysæ, sistite flumina,
Delphosq;, Pirenesq; fontem
Actiaco prohibete fluxu.



17675 I

Nes

Nescitis? vt se fons sapientiæ,
Diuinitatis viuulus impetu,
Diffudit audax, vt sonoro
Theologæ pia lympha Cyrrhæ
Lapsu cucurrit, per remeabiles
Vagata sacre Phocidis alueos,
Per antra Diuorum, per oras,
Perq; pios Heliconis hortos,
Per arua latè, per Clarii iuga,
Per litterati cæcula Pieri
Myfteriorum, per refufum
Non humilis laticis profundum.
Videre toto iam videor facrum
Vndasse pontum gurgite. iam Patris
De fonte stillauit cerebri
Attonito noua Pallas Hebro;
A cuius almo flamine pectoris,
Ab vsq; Patris, non fine confono
Amoris ardentis fufurro, &
Murmure prouenientis auri
Processit imber, non laticis minor
In euagato fluminis alueo:
Feliciorem quem Strategum
Numen Apollinei Gradiui
Mirare Smynthæu. iam video procul
Exuberanti profluit agmine

Promissus amnis, & salubri
Occiduum nouus hospes orbem
Irrorat vndâ, Virgineo ferens
De fonte corpus. Ite recentibus
Stipate narcissis, rosîsq;
Indigetem celebrate riuum.
Qui plena fessis nectare flumina,
Vltroq; sacri balsama Liberi
Trussisse fertur, & liquenti
Ambrosiâ properasse mella;
Quibus supremas condidit aurei
Dapes amoris. O quis Isacio,
Per rupta, per deserta, colle,
Præcipiti ruit amnis ostro
Quis æstuosis tantus inhorruit
Præfagus vndis gurgēs, amarior
Vi Thetis, & lymphata secum
Arma ferox animosq; voluit,
Crucisq; telum, vincula, spineæ
Septum coronæ; Quas video faces,
Et flagra deferri, & natantem
Oceano rubuisse Parcā;
Tibine tantas Christe Sunamitis.
Cædes parauit? quem malè, candidum
Nuper vocauit, iam cruentum
Funereo maduisse tabo

Deposcit amens. At quis eburneæ,
In colloquati sideris agmine,

Fons lucis exit, & fluentis
Proficius niueoq; vitam
Diffudit anni? Iam Libanitidis,
Iam delicatæ rura Nasareæ,

Iam rura Bethles, iam feracem
Virgineis Solymen fluentis
Sat vberavit. Hem, quid amabilis
Me lusit error fontis imagine?

Fallor; marino fert M A R I Æ.

Oceanus Charites profundo.
Quanquam nec arcto gloria flumine
Latè per orbem funditur aureum,

Torrente ter dulcis voluptas
Mellifluo licet vsq; ciues
Potet beatos; Hinc sibi fertiles
Centum Sicanis ire liquoribus

Mirantur vrnas, atq; aperto
Ire vident sua vota cœlo.
Quò me citatis, Musa, curulibus
Obliuionis tollis in essedo?

Demitte Vatem; non profano
Theologi freta sancta fontis
Libanda labro; vècte silentij
Munita septeno, & reuerentiæ.

Conclu

Conclusa claustris : Vix sacratum
Sola potest referare limen
Sedis réceptâ clauē Vicariæ,
Ecclesiarum mater & arbitra,
Quæ colle gentium Quirini
Roma sedet Domino Magistra:
Vel quos honore flore scientiæ
Diuina circo Theologo comans
Daphne coronat, & sequester
Aonijs Academus vmbri
Latè recondit. Qui meritis graues,
Et ditiori merce scientiæ,
Ad vsq; famosam Canopi
Inuidiam, opprobriumq; Gangis
Fulgent onusti: quos penes æquitas,
Et fas, piumq;, & relligio, & fides,
Veriq; candor, & resedit
Sponte suâ pretiosiore
Virtus metallo. Quæ video procul,
Non vñitata serua proteruiæ,
Mentita cœlis, ad frequentes,
Hæreseon noua monstra Lernæ,
Venisse fontes? Este procul, procul
(Nefas) profani, vel Phlegethontei
Amnisq; Cocyti seuerum, &
Tanariæ profugi venenum

Pota-

Potate Lethes ore malo . Tuïs ,
Beata sed Tu , clara clientibus ,
O mater , ô fœcunda casto
Sponsa toro IAGELONIS aude .
Vidi benignis moribus aureum
Felix Lyceum , Numina seculis
Hêu digna priscis , atq; auiti
Non dubios decoris nepotes
Vidi : respersæ gratia purpuræ ,
Veriq; pugna , & niuei vigil
Pubes honesti , ipsoq; vitæ
Innocuæ pius ora fulgor
Illeuit auro : nec tenuis sibi
Vndante venâ diuitis ingeni
Rorauit humor pectus ; imo
Seu Mathesis fluitet profundo ,
Sêu fundat alto Socraticam sinu
Lympham , perenne seu melioribus
Electrum Aquinatis cadiscis ,
Theologæ vada pulchra ripæ ,
Stagira Craci trumat , & inuia
Sêu per Iesæ , siue per Atticæ
Eat Sûadæ , sêu Latino
Dulce pluat spatiosa Tibri .
O cûi secundo mentis in æquore
Per sanctioris marmora Nerei

Impu-

Impunè concessit, pioq;
 Ludere Sacra dedit Thalia
 DRASCI profundo; quantus in arduam
 Affurgis iram, pulcher ab inclytæ
 Feruore pugnae, perq; amicos
 Fulmineus ruis hostis hostes.
 Quamuis farissas impluat horrido
 Catasta nimbo docta Tibi; procul
 Et tela, & enses, cruditi
 Ingenij clypeo retundis.
 Ter læta circum flumina vitreis
 Plausère palmis: ter refluxæ sonant
 Crystalla Vendæ: ter canoris,
 (Percipitis?) cecinère lymphis
 Vartes & Albis: terq; per Atticas
 Risit sereno margine Cycladas
 Lauru triumphalem Pelasgâ
 Argolicis Achelous vndis.
 Io triumphæ. Sors bona: Vicimus.
 Io triumphæ; Vicimus. Et Tibi
 Auro recusum pro trophæo
 Turba Duci fabricamus

BIBLIOTH. UNIV.



JAGELLONICAE





